

Inzaya ta drenta edificio historico

ORANJESTAD(AAN): Recientemente a tuma luga apertura di e totalidad nobo di "Huize Mon Plaisir" den Herman Gotterstraat # 13. Number di e cas ta papia pa sumes. Inzaya lo desplega su actividadnan den loque por yama un edificio historico. Por ta asta un monumento. Huize Mon Plaisir " tabata e prome cas construi den e bario Mon Plaisir. Den di dos guerra mundial y despues, e bario Mon Plaisir tabata fungi como plantacion di alo. Na final di añanan '40 a cuminsa prepara e terenonan den Mon Plaisir pa construccion, como parti di e plannan di urbanizacion di Oranjestad. Tabata considera habrimento di e bario Mon Plaisir como expansion di e bario Klip, e temponan ey conoci di "Hollandse Wijk".

E abogado hulandes di e tempop ey Sr. Abraham Papier

tabata doño di e pida tereno na 1947

y a vende na 1949 cu e comerciante rubiano difunto Mario S. Arends sr.


Despues e "boekhouder" di e empresa Mario S. Arends, sr. Jan Willem Budde a compra e pida tereno aki y a laga contrui un cas riba dje na 1950.

E cas a capta atencion, pa su arkitektura y contruccion, cu pa e temponan ey tabata sumamente moderno, principalmente pa e espacio oval den e cas y su dak y porch oval.

Cu construccion di 'Huize Mon Paisir " ta introduci pa prome biaha e conocido shutter di glas (sunset) dor di e empresa Mario S. Arends.

Despues a construi varios otro cas na Aruba (p.e. den Ariaan Lacle Blvd. den estilo oval.

E arkitekto responsabel pa e



casnan estilo oval aki ta di Sr. Jan Smit, un relacion comercial di dif. Mario S. Arends sr. Na 1954 dif. Sra. Frederica van der Biest Eman, vuida di John G. Eman a compra e cas aki.

Den transcursdo di un historia e cas a conoce varios habitante entre nan den añanan '50 e Venezolano general Cristante Falcon, un di e gen-

eralnan cu añanan '50 hunto cu General Marcos Perez Gimeñez a trece un fin na e gobernacion di e presidente, intelectual y escritor Venezolano, Romulo Gallegos.

Dese añanan '70 te cu Maart 200 famia Vrieswijk, e actual doño y herederonan di "Huize Mon Paisir", a biba den cas. Den e edificio aki difunto Sr.

D Vrieswijk, un di e promotornan di e movimiento di "scouting" na Aruba, tabata tin su oficina for di unda e tabata dirigi "verkenerij" na Aruba.

Ta un orguyo grandi pa Inzaya Kennis- en Opleiding-scentrum di por sigi desplega su actividadnan den un edificio historico asina.